

adimere, et in fastum me vanitatis inaniter extol-
lere. Utilius enim est mihi, ut sciar insipiens, quod
sum, quam ut aestimer sapiens, quod non sum. Illud
namque non infructuosum humili timorem, istud vero

A ruinosum superbo parere poterit, quod absit, tumo-
rem. Quem cum omnibus aliis vitiorum sordibus
propitius a me dignetur avertere, qui omnem omni-
no superbiam sua damnavit humilitate. Amen.

VITA ALTERA

AUCTORE GALBERTO NOTARIO.

(Ex aliquot mss.)

PROLOGUS.

1. Cum inter regnorum principes quos circa nos co-
gnovimus, summum gloriæ ac laudis sibi adscribendi
studium per militiæ facinora onituisset: et eisdem
affectus consimilis ad bene regendum inesset; mi-
noris potentiae et famæ principabatur Imperator
Romanorum Henricus (121), qui, cum annos plu-
res sedisset, sine hærede diem obiit. Minoris quoque
famæ ac virium rex Anglorum (122) sine liberis
degebat in regno, quam comes Carolus Flandriarum
marchio, naturalis noster dominus et princeps; qui
quod militiæ fama, et generis nobilitatis regio san-
guine septennis in comitatu pater et advocatus
Ecclesiarum Dei præerat, erga pauperes largus, inter
procures suos iacundus ac honestus, adversus
hostes crudelis et cautus, qui etiam sine hærede a
suis, imo nefandissimis servis, traditus et occisus
pro iustitia occubuit. Tanti quidem principis mortem
descripturus, non elaboravi eloquentiæ ornatum,
seu diversorum colorum distinguere modos, sed
verum veritatem solummodo exsequi, quæ quam-
quam stylo arido, tamen memoriæ fidelium scri-
bendo commendavi peregrinum mortis ipsius even-
tum. Neque equidem locum et temporis opportuni-
tatem, cum animum in hoc opere intenderem,
habebam; quandoquidem noster locus eodem tem-
pore sollicitabatur metu et angustia, adeo ut sine
aliorum exceptione tam Clerus quam populus indif-
ferenti periclitabatur occasu et rerum suarum et
vitæ. Igitur inter tot adversa et angustissimos loco-
rum fines, coepi mentem fluctuantem, et quasi in
Euripo jactatam compescere, et juxta scribendi
modum cohibere. In qua animi mei exactione una
charitatis scintilla, suo igne fota et exercitata,
omnes virtutes spirituales cordis funditus ignivit, et
subsequenter hominem meum, quem aforis timor
possederat, scribendi quadam libertate donavit.

2. Super hoc igitur mentis studio, quod in tam
arcto positus (123) vestro et omnium fidelium audi-
tui in communi commendavi, si quis quidquam ob-

(121) Intelligitur Henricus V, Ultrajecti anno 1125
mortuus, a Calisto II papa olim excommunicatus.

(122) Henricus I rex Angliæ, de quo actum supra
cap. 2.

B garrire et detrahare contendat, non multum curo.
Securum enim me facit quod veritatem omnibus
apertam, qui mecum eodem percellabantur periculo,
loquor, et eam posteris nostris memorandam com-
mendo. Rogo ergo et moneo, si cui hujus styli
ariditas, et hujus opusculi exiguus manipulus ad
manus venerit, non derideat et contemnat: sed
nova admiratione, quæ scripta sunt et Dei
ordinatione congesta, nostro solummodo tempore
admi-retur, et discat potestates terrenas non despi-
cere vel morti tradere, quas credendum est Deo
ordinante nobis esse præpositas; unde apostolus:
« Omnis anima omni potestati subjecta sit, sive regi
tanquam præcellenti, sive ducebus tanquam a Deo
missis (I Petr. II, 13), » tanquam enim non est simila-
tivum, sed confirmativum: tanquam vero dicitur
in Scriptura sancta pro eo quod vere est: sicut est
ibi, tanquam sponsus, hoc est vere sponsus. Non
quidem promeruerant homicidæ et potatores et
seortatores et omnium vitiorum servi nostræ terræ
ut præcesset eis bonus princeps, religiosus et po-
tens, catholicus, post Deum pauperum sustentator,
Ecclesiarum Dei advocatus, patriæ defensor, et ta-
lis in quo terreni imperii reliqua potestas bene re-
gendi formam et Deo serviendi mater

famam bonam et gloriam sui nominis pene gnorum potentes obtinuit. Quem quidem per plures annos in principem peroptaverant proceres nostri, si forte sic evenire potuisset. Igitur comes Baldwinus adolescens fortissimus moriendo nepoti suo Karolo regnum simul et principibus contradidit, et sub fidei securitate commendavit.

4. Coepit utique majoris consilii prudentia pius comes de pacis reformatione disponere, leges et jura regni revocare, ita ut paulatim pacis statu undecumque collecto, in quarto sui comitatus anno, per illum omnia florerent, omnia riderent, omnia justitiæ et pacis securitate et multiplici jucunditate fruerentur. Tandem videns gratiam pacis omnibus jucundam, indixit per terminos regni, ut sub quiete et securitate absque armorum usu communiter degerent, quicumque aut in foro aut intra castra manerent et conversarentur: alioquin ipsis plecterentur armis, quæ ferrent. Sub hac ergo observantia arcus et sagittæ et subsequenter omnia arma postposita sunt in forinsecis locis, sicut et in pacificis. Qua pacis gratia legibus et justitiis sese regabant homines, omnia ingeniorum et studiorum argumenta ad placita componentes: ut in virtute et eloquentia rhetorices unusquisque se defensaret, cum impetitus fuisset: vel cum hostem impeteret qua colorum varietate oratorie fucatum deciperet. Tunc vero habuit rhetorica sua exercitia et per industriam et per naturam: erant enim multi illiterati, quibus natura ipsa eloquentiæ modos et rationabiles præstiterat conjecturandi et argumentandi vias, quibus nullatenus illi, qui disciplinati erant et docti artem rhetoricam, obviare vel avertere poterant. Sed quia iterum suis fallaciis minus cautis fideles et oves Christi in placitis illi conveniunt, Deus, qui omnia ab alto speculatur, corripere fallaces suos non despexit; ut quibus eloquentiæ bonum præstiterat ad salutem, ipsis per flagella insinuarêt, quia eo bono usi sunt ad propriam perditionem.

5. Immisit ergo Dominus flagella famis, et postmodum mortalitatis, omnibus qui in regno degebant nostro, sed prius terrore signorum revocare dignabatur ad poenitendum, quos pronos præviderat ad malum. Anno ab Incarnatione Domini milleno centeno vicesimo quarto, in Augusto mense universis terrarum habitatoribus in corpore solari, circa nonam horam diei apparuit (125) eclipsis, et luminis non naturalis defectus, ita ut solis orbis orientalis obfuscatus, paulatim reliquis partibus ingereret nebulas alienas, non simul tamen totum solem obfuscantes, sed in parte: et tamen eadem nebula totum pererravit solis circulum, pertransiens ab oriente usque ad occidentem tantummodo in circulo solaris essentiae: unde qui statum pacis et placitorum injurias notabant, futuræ famis et mortis periculum mina-

abantur universis. Cumque, neque sic correcti sunt homines, tam Domini quam servi, venit repentinæ famis inedia, et subsequenter mortalitatis irruerunt flagella (126). Unde in psalmo, « et vocavit famem super terram, et omne firmamentum panis contrivit (Psal. civ, 16). » Quo tempestate non poterat solito moresese quisque cibo et potu sustentare, sed contra morem tantum panis insumpsit epulatur semel in prandio, quantum ante hoc tempus famis in diversis diebus sumere consueverat, atque sic per insolentiam est gurgitatus, et omnes naturales receptaculorum incatus distenti nimietate repletionis cibi et potus, natura languebat. Cruditate quoque et indigestione tabescebant homines et adhuc fame laborabant, donec spiritum exhalarent ultimum.

B Multi quoque inflati sunt, quibus cibis et potus fastidiebat; quibus tamen utique abundabant. Quo tempore famis, in media Quadragesima, etiam homines terræ nostræ, circa Gandavum et Legionem (127) et Scaldum fluvios commorantes, carnes comederunt, eo quod panis eis prorsus defecisset: quidam vero ipso itinere cum transitum facerent ad civitates et castra, in quibus panem sibi compararent, nondum semiperfecto transitu suffocati fame perierunt: circa villas et curtes divitum, et castra seu munitiones, pauperes cum ad eleemosynas misero gressu devoluti venissent, mendicando mortui sunt. Mirabile dictu! nulli in terra nostra manserat naturalis color, sed talis pallor affinis et proprius mortis inerat universis. Languebant similiter sani et ægri, quia qui sanus erat in compositione corporis, æger effectus est, visa miseria morientis.

6. Neque sic quidem correcti sunt impii, qui eodem tempore, sicut aiunt, in piissimi comitis Caroli mortem conspiraverant. At comes egregius sateg

si a cervisia conficienda cessarent tempore famis A
cives et incolae terrae. Nam ex avena panes fieri
jussit, ut saltem in pane et aqua vitam continuarent
pauperes. Vini quartam sex pro nummis vendi præ-
cepit, et non carius, ideo ut cessarent negotiatores
ab abundantia et emptione vini, et merces suas
commutarent pro necessitate famis; pro victualibus
aliis, quibus levius abundarent et facilius pauperes
sustentarent. A propria mensa sibi quidem subtra-
xit quotidie victum, unde centum pauperes et tre-
decim sustentabantur: indumenta insuper nova,
scilicet camisiam (128), tunicam, pelles, cappam,
braccas, caligas, subtulares (129), a principio illius
Quadragesimae et devoti jejunii sui, in quo statim
traditus in Domino obdormivit, quotidie uni pau-
perum erogavit usque ad diem quem obiit in Christo
atque dispensatione tali et misericordiae erogatione
in pauperes parata, sic ibat ad ecclesiam, ubi in
oratione decumbens psallebat Deo psalmos, ibique
audito ex more sacro denarios pauperibus distribuit
sic Domino prostratus.

7. Cumque in comitatu suo Flandriarum marchio
Carolus pacis et gloriae decore degeret (150), Hen-
ricus Imperator Romanus diem obiit, et desolatum
est regnum imperii illius et sine hærede exhæreda-
tum. Igitur sapientiores in clero et populo regni Ro-
manorum et Teutonicorum satagebant omnibus mo-
dis, quem sibi ad Imperium regni providerent,
virum nobilem tam genere quam moribus. Igitur
circumspectis terrarum et regnorum principibus,
considerate inierunt consilium, quatenus illi sapien-
tiores et potentiores in regno, legatos idoneos,
scilicet cancellarium archiepiscopi (151) Coloni-
ensis civitatis, et cum eo comitem Godefridum (152)
solemniter transmitterent ad consulem Flandriarum
Carolus pium, ex parte totius cleri et ex parte
totius populi regni et imperii Teutonicorum expostu-
lantes et obsecrantes potentiam et pietatem ipsius,
ut imperii honores et dignitates regias cum suis
facultatibus pro sola charitate assumeret. Omnes
enim meliores tam in clero quam in populo eligen-
dum sibi eum justissimo desiderio expectabant, ut
Deo donante ad ipsos dignaretur adscendere, coro-
natione et Imperii exaltatione unanimiter sublima-

(128) *Camisia* pro indusio usurpata olim in lege
Salica tit. 6, et apud Fortunatum lib. 1 Vitae S. Ra-
degundis. Unde postea in lingua hodierna Francica,
quæ illis temporibus necdum erat, vox *chemise* ex-
orta. Forte olim *cama*, uti jam Hispanis, in usu fuit
apud Gothos et antiquos Germanos pro lecto, ut *ca-*
misia dicta sit vestis in qua dormitur.

(129) *Subtulares* in antiquis codicibus, an *subta-*
lares substituendum, ut sint caleci, quasi *sub talis*.
In Vita S. Gudilæ 8 Januarii num. 8 *subtulares* legi-
tur, ubi Garneveltius *subtulares* arbitratur resti-
tuendum: sed mutata solum vocali facile voces istæ
possunt confundi.

(150) « *Henricus V anno 1125, feria quinta, in Pen-*
tecoste Ultrajecti vitam cum regno amisit. » Anselmus
Gemblacensis in Chronico. Biduo post aliqui obiisse
asserunt.

(151) Coloniensis archiepiscopus erat Fredericus,

ac regem illum lege prædecessorum Catholi-
corum imperatorum constituerent.

8. Cumque legationem et expostulationem audis-
set Carolus comes, consilium cum nobilibus et Pa-
ribus suæ terræ subiit, quid super hoc ageret. At
illi, qui ipsum justo amore, et dilectionis virtute
dilexerant, et ut patrem venerabantur, coeperunt
dolere, et dicessum ejus de flere, et ruinam patriæ
gravem fore, si forte eam desereret. Tandem illi
traditores pessimi, qui vitæ ipsius inimicabantur,
consuluerunt ei, ut regnum et ejus honores præ-
ri

litteras direxerunt comiti Carolo, ut ascendens Hierosolimam, regnum Judæe assumeret, et in loco et in sancta civitate imperii catholici coronam dignitatemque regiam possideret. Noluit igitur, super hoc accepto fidelium suorum consilio, deserere patriam Flandriarum, quam vita comite bene rector foret, et satis melius quam adhuc rexisset, nisi traditores illi pessimi pleni dæmonio, dominum et patrem plenum spiritu pietatis et consilii et fortitudinis enecassent. Proh dolor! quod tantum virum ab Ecclesia Dei tollerent, de quo regem Ecclesiæ et populus Orientalis imperii et Hierosolymorum civitas sancta simul cum populo Christianorum peroptaverat et disposuerat, simul expostulaverat constituere.

CAPUT II.

Odii in S. Carolum concitati occasio.

10. Deficiunt quidem mihi vires animæ, et ejus memoria simulque major vis in anima, scilicet ratio ad laudandum bonum consulem Carolum: ejus meritis impares omnes estis vos terrarum principes, minus potentes, imperiti, indiscreti, incompositi moribus. Nam talis erat comes Carolus in fine vitæ apud religiosos filios Ecclesiæ, qualis in meritis suis præcellebat rectores et plures philosophos fidei Christianæ: et quamvis olim peccator et criminis fuerit, in fine vitæ bonæ ex poenitentiae fructu omnia cooperabantur ei in bonum et salutem animæ perpetuam. Unde et ille ait:

dicique beatus,

Ante obitum nemo supremaque funera debet.

(Ovid. *Metam.* III. 156.)

Et apostolus: « Scimus quoniam diligentibus Deum omnia cooperantur in bonum, his qui secundum propositum vocati sunt sancti (Rom. VIII, 28). » In sacro loco igitur, et in sacris orationibus, et in sacra cordis devotione, et in sacro Quadragenarii tempore, et in sacra elemosynarum largitione, (134) et ante sacrum altare, et inter sacras reliquias S. Donatiani archiepiscopi Remorum et (135) S. Basilii Magni et S. Maximi trium mortuorum suscitatoris, canes immundi, dæmonio pleni, servi dominum suum jugulaverunt. Nemo quippe ita est absurdus, ita hebes, ita stolidus, qui non adjudicaret traditores illos poenis infimis et inauditis; qui inaudita traditione dominum suum, ipsi servi, qui observasse debuerant, disperdiderunt. Igitur mirandum erat et singulariter memorandum, quod et multos viderimus imperatores, reges, duces ac consulares viros, nullum vidimus vel audivimus adhuc, quem ita deceret fuisse dominum ac patrem, advocatum Ecclesiarum

(134) Servantur etiam nunc reliquie horum sanctorum Brugis in summa veneratione et argenteis mausoleis aut capitibus inclusæ, quas ipsi ibidem non absque admiratione eximii splendoris intuiti sumus. S. Donatianus est urbis et diocesis totius patronus, eique templum cathedrale sacratum. Festus illi dies etiam in populo est VII Octobris, quando de translatione ejus corporis agemus.

(135) S. Basilii pars magna spinæ dorsi, ut nobis dictum, adservatur. At S. Maximi duæ costæ, crus,

A Dei, sicut ipsum condecuit. Sciebat enim esse dominus, pater, advocatus, pius, mitis, exorabilis, ad honorem Dei et decorem Ecclesiæ idoneus, quod vere satis probabile est, quia post mortem tanti viri protestati sunt super ipsius meritis omnes, et amici et inimici, extranei et vicini, nobiles et ignobiles, et cujuscunque terræ habitatores, qui saltem egregiam famam de ipso audierant, quanti meriti foret credendus apud Deum et homines, qui propter justitiam Dei exsequendam, et propter salutem eorum, quos regebat, more Christiani Rectoris occubuit. Quem homines suæ pacis super illum magnificantes supplantationes tradiderunt, ut in psalmo, « Etenim homo pacis meæ, qui edebat panes meos, magnificavit super me supplantationes (Psal. XL, 10). »

B 11. Postquam igitur clementia Dei flagella subtraxerat, et molestiam temporis prorsus remotam frustraverat, cœpit suæ dignationis copiam terris commodare, et jussit vegetabilitate frugum horrea repleri, vino et cæteris vict

rum. Quicumque enim secundum jus comitis ancillam liber in uxorem duxisset, postquam annuatim eam obtinuisset, non erat liber: sed ejusdem conditionis erat effectus, cujus et uxor ejus. Indoluit ergo miles ille, qui propter uxorem suam libertatem amiserat, per quam liberio rem se fore crediderat, cum eam accepisset. Indoluit ergo præpositus et sui: et ideo enitebantur omnibus modis se subtrahere a servitute comitis. Igitur cum veritatis indicio et seniorum regni relatu, comes intellexisset, quod sibi sine cunctatione pertinui sent, conabatur ipsos suæ servituti vindicare: et tamen quia præpositus et cognati ejus a comitis prædecessoribus, usque ad hoc tempus de servili conditione non interpellatus nec pulsatus fuit, quasi sopitum et multis temporibus neglectum foret, omnium oblivioni tradebatur, nisi in prædicta belli appellatione ad recordationis veritatem revocatum fuisset.

13. Cæterum præpositus cum tota nepotum successione post comitem in regno potentior, et fama atque religione gloriosior, se liberum fuisse et cognationis tam antecessores quam successores suos confirmabat, et quadam superstitione et arrogantia sic se contendebat. A comitis igitur mancipatione et pertinentia se et suos subtrahere consilio et potentia laborabat, et ideo sæpe improperebat comiti sic: Iste Carolus de Dacia nunquam ad comitatum conscendisset, si ego voluissem. Nunc ergo, cum per me sit comes effectus; non recordatur quod bene sibi fecerim, imo laborat prorsus me cum toto genere meo retorquere in servum, perquirens a senioribus utrum simus ejus servi: sed quærat quantum velit, nos semper erimus et sumus liberi, et non est homo super terram qui possit nos constituere servos. Frustra tamen jactanter loquebatur: nam consul præcantus detractationem præpositi et suorum intellexerat, et fraudem simul et traditionem audierat. Quandoquidem defensionis suæ effectum habere non poterat præpositus et sui, quin libertate sibi usurpata carerent; maluit ipse cum tota nepotum successione perire quam servitute comitis mancipari. Perverso tandem et nefandi consilii dolo coeperunt de morte piissimi consulis seorsum tractare, et tandem locum et opportunitatem occidendi illum prætere.

14. Lætus ergo præpositus erat, quod lites et seditiones ortas inter nepotes suos et Thanemarum, cujus parti justæ comes favebat, occasiones haberet tradendi comitem: nam universos milites provincie nostræ, tum pretio, tum potentia, tum petitione acciverat in auxilium nepotum suorum contra Thanemarum. Quem quidem obsedit circumquaque in loco quo se vallaverat, et tandem collecta manu invasit validissime obsessos, et claustra portarum confringens detruncavit pomeria et sepes inimicorum suorum. Absens tamen, et quasi nihil fecisset, consilio et dolo omnia fecit, omnem benevolentiam a foris prætendebat: et inimicis dicebat, sese dolere quod nepotes sui tot lites, tot homicidia peragerent, quos

A quidem ad omnia nefaria animaverat. In congressione ergo prædicta utrinque ceciderunt eodie pluri mi vulnerati et mortui. Quod cum intellexisset præpositus quod jam congressio fieret, ipsemet descendit ad carpentarios qui in clauastro fratrum operabantur, et jussit ferramenta eorum, scilicet secures, illuc deferri, quibus detruncarent turrem et pomeria et domos inimicorum suorum. Misit ergo per singulas domos in suburbio ad colligendas secures, quæ illuc citissime delatæ sunt. Cumque in nocte rediissent nepotes ejus cum quingentis militibus armigeris et peditibus infinitis, induxit eos in claustrum et fratrum refectorium, in quo refecit universos, diverso ciborum et potuum apparatu, et super hoc lætus et gloriosus erat. Cumque assidue sic affligeret inimicos, et maximam in eis expensam faceret, qui nepotes suos juvarent; coeperunt primo armigeri, postea milites deprædari rusticos, adeo ut pecudes et armenta villicorum raperent et devorarent. Quidquid in suum usum possederant rustici, hoc nepotes præpositi violenter rapiebant et suorum sumptui deputabant. Sed a principio regni nullus comitum perpressus est rapinam fieri in regno, eo quod maxima mors et pugna inde contigisset.

C 15. Audierunt ergo rustici comitem venisse apud Ipram, ad quem nocte et clanculo usque ad ducentos transierunt, pedibusque ipsius convoluti obsecrantes paternum et consuetum ab eo auxilium, ut res ipsorum reddi juberet, scilicet pecudes et armenta, vestes et argentum, insuper omnem cæteram supellectilem domuum suarum, quæ om

